

NORMATIVA DE COMPOSICIÓN E FUNCIONAMENTO DA COMISIÓN DE COORDINACIÓN DO PROGRAMA CONXUNTO DE ESTUDOS OFICIAIS ADE-DEREITO

A coordinación do programa conxunto de estudos oficiais correspóndelles ao mesmo tempo ás persoas coordinadoras dos graos en ADE e en Dereito, agás que os decanos/as deleguen as competencias nun vicedecano/a por parte de cada centro.

Non obstante, é preciso crear unha comisión de coordinación do programa conxunto de estudos oficiais (PCEO ADE-Dereito), co obxecto de avaliar e adoptar decisións conxuntas na organización e coordinación do PCEO.

A presente normativa regula a composición, funcionamento e competencias da comisión.

Artigo 1. Composición da comisión de coordinación do PCEO ADE-Dereito

Compoñen a comisión de coordinación as persoas que exerzan as funcións de decano/a das facultades de Ciencias Empresariais e Turismo e de Dereito do Campus de Ourense e as responsables das tarefas de coordinación do PCEO.

A decana/o poderá delegar a asistencia a algunha reunión específica e este feito debe constar na acta da devandita reunión.

Ás reunións da comisión poderán asistir outras persoas que se considere, por común acordo, que poidan realizar achegas relevantes para os asuntos que se sometan á comisión.

Artigo 2. Convocatoria e funcionamento

Calquera dos decanos/as poderá convocar a comisión cando, ao seu xuízo, existan dificultades na coordinación do PCEO que o fagan preciso.

A convocatoria incluírá o lugar de reunión, a data e a hora da convocatoria, así como a orde do día. Deberá realizarse con 48 horas de antelación. A segunda convocatoria poderá realizarse cunha diferenza de trinta minutos respecto da primeira.

Para o funcionamento da comisión será preciso que estean presentes, polo menos, os decanos/as dos respectivos centros, ou persoa en quen deleguen.

A presidencia corresponderalle ao decano/a do centro que convoque a reunión.

De todas as reunións redactarase a acta correspondente que se gardará nos dous centros tras ser aprobada e asinada.

Os acordos adoptaranse de común acordo e por consenso.


Artigo 3. Competencias

A comisión de coordinación poderá tratar calquera asunto que afecte a coordinación do PCEO. En todo caso, os órganos dos respectivos centros continuarán a exercer as competencias que lles atribúe a normativa universitaria.

Disposición final

A presente normativa entrará en vigor unha vez aprobada polas respectivas xuntas de facultade e tras o informe favorable das comisións de calidade.

DILIXENCIA para facer constar que a Normativa de composición e funcionamento da Comisión de Coordinación do Programa Conxunto de Estudos Oficiais ADE-Dereito, aprobada pola Xunta da Facultade de Dereito o día 7 de abril de 2016 e pola Xunta da Facultade de Ciencias Empresariais e Turismo o día 15 de xuño de 2017, publicouse oficialmente nas páxinas webs e nos taboleiros de anuncios das dúas Facultades o día 22 de xuño de 2017.



Beatriz González Sánchez
Secretaria da Facultade de Ciencias Empresariais e Turismo



Concepción Martínez Martínez
Secretaria da Facultade de Dereito